

„Ильич“ колхозысь ефремовец'ёс асьсэлэн ужамзы сярысь

ЕФРЕМОВЕЦ'ЁС ВКП(б) РАЙКОМЫН

8 январь Советско-Никольской сельсоветысь „Ильич“ колхозлэн выль урожай бастон'я звенозлэн член'ёсыз ВКП(б) райкоме отемын вчл.

ВКП(б) райкомын соос пыр-поч рассказыветъ каризы со сярысь, кызы звено 1940 арын выль урожай бастыны дасяське.

Звеноен агротехнической ужрад'ёс'я пус'ем планэз сярысь выступитъ кариз райзолэн агрономез Юминов эш. Собрере выступитъ каризы звенолэн кивалт'ёсез Макаров, колхозлэн председателез Чужанов, звенолэн член'ёсыз Гаврилов, Смирнов, Вотяков эш'ёс.

„Ильич“ колхозлэн звенозлы юрттэт сётон но районн ефремовской движениез паськытатон сярысь райком конкретной решение кутыз.

Талэн ул'яз сёт'искомы куд-ог выступлениосты.



„Ильич“ колхозысь ефремовец'ёс ВКП(б) райкомын, кытын обсуждать каремын соослэн ужан планы. СУРЕД. ВЫЛЫН (паллянысен буре) ефремовец'ёс: Н. Н. МАТВЕЕВ, Р. Н. МАКАРОВ (звеньевой), М. И. ЧУЖАНОВ (колхозлэн председателез), А. С. СМОРНОВ; сыло: Г. Д. ГАВРИЛОВ, Ф. Г. ВОТЯКОВ. Соос беседовать каро ВКП(б) райкомлэн секретареныз Н. З. ГАГАРИН эшен (бур палаз).

Выль урожай бастымын луоз вань агротехнической ужрад'ёсты ортчытыса гинэ

Райзолэн агрономезлэн Юминов эшлэн верамысьтыз

Выль удалтэм юн'янь бастымын луоз агротехнической ужрад'ёслэсь вань комплексэ ортчытыса гинэ. Сое лыдэ бастыса ик «Ильич» колхозлэн выль урожай бастон'я звеноеныз пус'емын план. Звенолэн участокез 10 га, учкемын чабей кызыны. Кыче агротехнической ужрад'ёсты ортчытыны пус'е звено выль урожай бастон понна?

Кидысэз кизён азелы дасян. Нырысь ик 25 центнер вис'ям чабей кидыс сортировать каремын луоз триумфен но триерен. Кидыслэн зечлыкес эскериськоз семлабораторин. Собрере кидыс кыктэт'изэ сортировать каремын луоз триумфен но кидыслэн зечлыкес эскеремын луоз. Та уж'ёс 10 январьлы быдэстэмын луыны кулэ. 1 февраль азелы кидыс протравить кариськоз «АБ» препаратэн, одйг центнерлы 100-150 грамм чотысь. «АБ» препарат но «Идеал» протравитель бастымын луыны кулэ 10 январьлы. Ядохимикат'ёсты утялтон сёт'иське звенолэн членезлы Смирнов эшлы. Кизыныны потэмлэсь 5-7 нунал азвыл кидыс яровизировать каремын луоз. Та ужез ортчытэ агротехник Матвеев эш. Яровизация лэсьтон понна вань кулэ т'ирлык дасямын луыны кулэ.

Лымы жегатон (снегозадержание). Лымыез жегатон ортчытоно 10 га вылын быдэсак, кечат-вамаат улвайёсты тырыса. Тол чоже улвайёсты кык пол жутылоно.

Удобрениосты дасян. Вал гидысь кыедэз ворттоно гектар вылэ 30 тонна чотысь. Быдэс участоке 300 тонна поттоно. Интысь удобрениясты локано: пень — 20 цент., тыло-бурдо кыедэз — 50 цент., фекалез — 50 цент., кыед ву — 20 тонна. Минеральной удобрениосты ваёно: суперфосфат—40 ц., калийной сылал—20 ц., сернокислой аммоний — 15 цент.

Муз'емез кыедан. Гид кыедэз борздае тырыса 14—15 сантиметр мурдалае заделатъ кароно. Тулысымы берэ ик 1 гае 4 центнер чо-

тысь калийной сылалэн удобрить кароно быдэс участокез, озы ик суперфосфатэн но 1 гектаре 4 центнер чотысь кшедано, 1 гектаре 2 центнер чотысь пень пононо.

Муз'емез обработать карон. Кын улэ гырыса кельтэм участокез кизыныны потэмлэсь 2—3 нунал азвыл усыяно «Зиг-заг» усыен 2 полэ. Собрере гыроно гид кыедэз 14—15 сантиметр мурдалае заделатъ карыса, нош б'орысь кык полэ усыяно.

Кизён. Кизёнэз ортчытоно 13 рядной кизён машинаен сошник'ёслэсь кусыпсэс 4,5 сантиметрозь сюбегагыса. Кизён норма гектаре 2,5 центнер тупатэмын. Кизёнэз 4 нуналскын быдэстоно.

Кизем юэз утялтон. Коркаез капче усыен одйгполэс усыяно, кыктэт'и усыяно юлэн гумые потэмелэсь азвыл. Подкормка ортчытоно будослэн кустигыса карон дыраз (в период кушения) кыед вуэн одйг гектар вылэ одйг тонна чотысь, кыед вуэз 10-12 пол трос вуэн кизергыса, со сына фекалиен но тылобурдо кыедэн гектарлы одйг тонна чотыса, сое вуэн 3-4 пол кизергыса. Удобрить карем бере усыяно. Кизем юэз жуг-жаг турылэсь уроно. Та уж'ёсты 10 гектар вылын быдэсак ортчытоно.

Кизем юслэн гумыаськон дыразы калийной сылалэн гектарлы 1 цент., но серно-кислой аммоний гектарлы 1,5 центн. чотысь подкормка лэсьтиськоз. Со дыре ик участоке ву кыстано гектар вылэ тонна ву. Кизер удобрениен подкормка лэсьтон понна 4 бекче дасяно.

Тани та агротехнической ужрад'ёс, куд'ёссэ пусйиз звено. Мон малпасько, что ваньзэ, ма пус'емын звено быдэстиз ке урожай бастымын луоз гектарысь 35 центнер пус'ем сярысь данаклы троо.

Дасяськомы выль урожай

Звенолэн кивалт'ёсезлэн Р. Н. Макаров этлэн верамысьтыз

Милям, «Ильич колхозын, выль урожай бастон понна кылдытэмын звено. Та звено бастыз ас вылаз 10 гектар вылысь гектарысь шорлыдын быдэн 35 центнер чабей бастыны.

Звеноен пус'ем агротехнической ужрад'ёслэн планы сярысь татын Юминов эш пыр-поч вераз ини. Ма ми лэсьт'имы ни но лэсьтиськомы выль урожай бастон понна?

Нырысь ик кидыс ласянь. Кидыслы кыстымын вал самой зеч участоке кутсам ю-тысь. Ми сое нырысь триумфен сортировать каримы, собрере триерен но али эшшо одйг пол сортировать каромы на. Кидыслэсь потэмзэ одйг пол эскеремын ини со сына эшшо сётомы на семенной лабораторие эскерыны понна. Кизёнэз ортчытомы кечат-вамаат но со сына кизён машиналэсь сошник'ёсызлэсь кусыпсэ сюбегагытомы, со уж али лэсьтиське ни. Кизён норма гектарлы 2,5 центнер тупатэмын.

Бад'зым уж ортчытэмын гид кыедэз участоке ворттон'я. Ваньмыз 1000 воз кыед ворттэмын. Гидыстызы кыедэс колхозник'ёс тросэз сёт'изы, со понна колхозлэн правле-

ниез колхозниклы трудодень начислять каре.

Урожаез жутонын бад'зым инты бастэ толалтэ лымыез жегатон. Сое валаса, та дырлы ортчытэмын лымыез жегатон 6 гектар вылын.

Кизем юэз подкормка лэсьтон понна паськыт кутыны пусйиськомы кыед вуэз. Со понна звено тупат'из бургоен кык гу. Участок вылэ кыед вуэз кыстаны кулэ 3 бекче. Со п'олысь одйгез дась ини. Сое бекче яке ящик борды тупат'иське пичись ласен жолоб.

Кизён азелы вань т'ирлык пупат'яса дасямын. Кебитын дурисьлэсь ужамзэ ми асьмеос эскериськомы.

Агротехнической ужрад'ёс азинлык ортчытэмын луоз соку, куке звенолэн член'ёсыз агротехникаен асьсэос овладеть карозы. Та ласянь трос лэсьтэмын өв'ол на. Кылс'арысь ортчытэмын звеноын 6 занятие. Лыд'изискомы Ефремовлэсь статьяссэ но «Удмуртская Правда» газетысь мукет материал'ёсты.

Ми оскиськомы, что звенолэн дружно ужамез, агротехнической ужрад'ёсты быдэсак уж вылын кутэм — сётоз луонлык бастыны план'я пус'емлэсь выль урожай.

Азымын'исьслэсь опытсэс ужамы кутомы

Колхозлэн председателезлэн Чужанов эшлэн верамысьтыз

1939 арын Всесоюзной сельскохозяйственной выставка вал паськыт колхозной массаослы зэмос школаен, кудиз дышетэ асьме социалистической сельской хозяйствоез азылане жоген нуыны. Милям колхозмы та выставкалэн участникеныз вал выль урожай бастэм понна. Мыным бад'зым шуд усиз тодматскыны выставкаын сельской хозяйстволэн азымын'исьслэсь опытэнызы. Мон понна зэм ик со бад'зым школаен луиз. Мон умой-умой тодматски Алтайсь ефремовец'ёслэн опытэнызы, кызы соос быгатызы выль урожай бастыны.

Райкомлэн секретарез Гагарин: Нош малы бен кылдыт'иды одйг звено гинэ ужаны мылжыд карись колхозник'ёс трос берэ? Мон сямен умой луысал кылдытыны звено мукет бригадын но. Собрере союз но умойтэм кадь, что бригадир со

ик звеньевод. Умой луысал Макаров эшез бригадир луыса ужанлэсь мозмытысалзы ке.

Чужанов. Яралоз, та замечаниосты ми лыдэ бастомы.

Ми звено кылдыт'имы Волков агрономлэн юрттэмез улсын. Звенолэн член'ёсыз куспын уж'ёсты люкылим, кин ма лэсьтоз. Одйгез кылс'арысь, пень люка, мукетыз кыед вулы гу дася. Трос лэсьт'из ини бригада кыед поттон сярысь.

Минеральной удобрениосты ворттон ласянь номыр но лэсьтэмын өв'ол. Со мынам янгыше. Мон ваньзэ лэсьто со понна, чтобы вакчи дыр куспын минеральной удобрениосты вайыны.

Ми оскиськом асьмелэн кужыммылы. 1940 арын выль урожай бастымын луоз.

Врид. редактора В. И. Азимов.
Потт'ись райисполком.